

2022

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang :

- (i) *Latthanv che hei kalangv padeih A, B, C khatnic D twna khaklangc pat re.*
- (ii) *Latthanv kaguayna zamh full marks nzat biak margin khou lyanlou e.*
- (iii) *Latthanv kaguayna daw nina e.*

KALANGV – A

(LATCHYAM/PROSE)

1. **Latthanv guay hei latkaeng 50 – 60 dou khou daw o :**

- (a) Tabui zaeng rui Rani Gaidinliu taanv dvan guay hei Britishmei khang daihmei khaenghmei akhat re sa bam tu cho ? 4
- (b) Miantii kailuangc khou nthaaanh zanc suangctu kanmei zingbangc lwnlung tei hy pat ro 4

2. **Latthanv guay hei latkaeng 40 – 50 dou khou daw o :**

- (a) Zeliangrong People Convention (ZPC) lev Rani Gaidinliu tabui riang nai cho ? 3
- (b) Zihuhchic daihmei zaytat bammei Miantiimeimei tei tabui sw khang cho ? 3
- (c) Chumhzihlung kangkai tat kanmei thei thangc kakai khou tabuibui pat kan cho ? 3

P.T.O.

3. **Latthanv guay hei latkeang 25 – 30 dou khou daw o :**

- (a) HIV rik naengv kanpui tangv how reyme *symptom* nunc tabuibui cho ? 2
- (b) Miantiime *nunc* tuang kheyliak asaekc hy pat ro. 2
- (c) Tancbauhmei khatnic ravchap tuang kapy guay rui Galileo Galilei (1564-1642) ta tabui zaeng khang kangkai khou lou kan tu cho ? 2

4. **Latthanv guay hei latrian akhat khou daw o :**

- (a) “...*thay nii how niime lungning mbu thau e khatnic ramh thanh mbap nii guang e.*”
”Karuc khou saa bammei latbamv hei maansei tuang tabui tingkwm ganv ta saa bam tw cho ? 1
- (b) Miantii khou lunghmei amaypui tei Miantii kailuangc tuang tabui biak khou lungc cho ? 1

(LUCHYAM / POETRY)

5. **Latthanv guay hei latkaeng 50 – 60 dou khou daw o :**

- (a) Lungcsiimeipui ramrianraa R.K. Chingkhiuhlung rui lyanloumei tei hy pat ro. 4
- (b) Lubuanneic rui kachwn kangui hamhmei kai mih khang kachwn swna twkumh latlu kan cho hy o. 4

6. **Latthanv guay hei latkaeng 40 – 50 dou khou daw o :**

- (a) “Ningpat lak ge matyngna machak pwki,”
Hyme *Lungkubon* rui tabui ta cho kamei rui ningpat lak bammei kiu ? 3
- (b) Tikih ningmei akhat, san rui akhat’
Mi latrian rui tabui ta nkwnna saa nii tuang cho ? 3
- (c) Ntwm-tyang khou nap pou khang guangmei pui ta twkumh taanclou nina e twna Hukhyamlaeng rui saa cho ? 3

7. **Latthanv guay hei latkaeng 30 – 40 dou khou daw o :**

- (a) Meicriang Lubuarneic kaney rui nthukna karianhlou kanmei latdyng kiu tabui cho ? 2
- (b) "...alungning tei phei kaphangv kumc"
Mi latrian khou Lungcsiimeipui rui tabui saa nii tu cho ? 2
- (c) Hukhyamlaeng rui kazy zaengc khou ningkhuic ninglikpui tangv tabui thay pat kan cho ? 2

8. **Latthanv hei latrian akhat khou daw o :**

- (a) "Nkamhloumei tingkauh ningtyng tei tiilou khang,
Ney e Nang bamv khou..." 1
Hymeis rui thow khou tingkauh ningtyng ney bam tw cho ?
- (b) "..... ta mamav khang maek ge." 1
Hukhyamlaeng theilayna gaatmei latkaeng hylou o.

KALANGV – B (PAHMEI)

9. **Latdangv hei pac lana latthanv guay hei latkaeng 25 – 30 lungc khou daw o :**

UN rui kauc ndauhlou e twmei thu dilungmei maansei guay rui karamv, kadui, ramvlangv khatnic puatc guay lev kariang naina guang nimeis kin azuh khang nganvna nthukmei dam lay laa bam nina e. Dilungmei guay rui karamv, kadui ta gaek khang khatnic gaekmei khou nkhav bam nina e. Ramhsic ariu nuhmei puat guay dilungmei ramv khou kaniw tuang nuhloumei maekna meicbaihmei rui rylou nuh mak ge khatnic ganclou nuh mak ge. Mi kumc taanccpatlou tuang nai e thei pumh khang kabiw mak khang kaphianhlou nina e. Military taanvdwan, dilungmei maansei panty ta kapin karaam nimeis kaniw tuang nuhloumei maekna kaniw ramv khou taanccpat nuh mak ge. Dilungmei rui machuangloumei kazauhna *state* rui guhsw gahsw

makna, lungning nthanna, dilungmei ramv, ramvlangv khatnic puatc guay lam khou lwn thaylou nina e khatnic saahyam suanhyamlou nina e. Mbuna dilungmei ramvdui riak, tatnahlwan, chapriak khatnic ramvpouc lwan thaylou nina e.

- (a) Dilungmei ramvdui gaekmei khatnic gaekpui lwan khou UN rui tabui saalou cho ? 2
- (b) Dilungmei guay khang ramhsic ariu nuhmei khourui gaekpatlou khang UN rui tabui dinclou cho ? 2
- (c) Dilungmei tuang nthukmei tabui ngamvzi mi latlangv khou dinclou cho ? 2
- (d) Dilungmei lev state rui nai bammei riang kiu tabui cho ? 2
- (e) Dilungmei ta gaek khang state rui tabui nthukmei dam laalou nina e twna UN rui dinclou cho ? 2

10. **Kabangc khou tiiloumei latdangv hei pac lana:**

- (a) Note kasiampat ro. 3
- (b) Note khoutei rui *summary* hypat ro. 3

Kandih namvruc khou ringc bammei maansei guay kathiak, kasuai kadam, kalat, kalu baicbaicna Ravguang ta kalum e. Meic gaanvkhat na sihnic Ravguang ta how mak ge tyki Ravguangc lam tho meic guayna saa e. Ravguangc nai e twmei lwm makmei nic nai e. How makmei ta lwm ngam makmei maansei azuh nai muay e. Neihkhat gaanvkhat Ravguangc lam thanv khang Amuh daeng guang khwan e. Amuh khou kamei rui thanv e, "Ravguangc tho kabamv kathuih bam e twna tabui khang meic nunc saa bam tu cho?" Maanseina ta tabui khang riaplou bam tu cho twmei nic kamei thay nii khwan e. Matat khat makumh manghmang lana Amuh tei niangdwm akhat laathauna mi pu py khou tei siauc the. Mi pu tei suc the, ramh sw dat khang thay mak khe. Latzankai khou latzanpouc rui Amuh khou "tabui khang

niangdwm siauc bam cho?" thanv the. Amuh tei rui daw khwan e, "Mi tei alatdaw the. Mi pu tei kapy suc kan the tyki suhmei tei akhou lyanlou ngam mak ge. Heiczaeng rui Ravguangc nai e tyki mi tei lyanlou ngam mak ge." Kapy suhmei pu tei kabah thay khwan the tyki Ravguangc rui maansei ta tho riap lak nina de twna ning khwan e.

KALANGV – C
(HYMEI/WRITING)

11. **Tiiloumei Outline hei piuna pary damcna hysuak pat ro :**
Reynungc Isrealmei guangc ningtyngmei Solomon..... Kanow geic, katuang khiwkhingh..... nah nzanhmei latzan..... Kapui ling lwn thay kan the. 4
12. **Thiujanang Gangmei rui karamc Model Village, Tamenglong khou thing lingc tat khang karamcmei kaikhunhmei guay ta kabaina Notice akhat hy e. Mi Notice kiu hy pat ro.** 4
13. **Kabangc khou tiiloumei latbamv hei tiiloumei *Outlines* sinswna Essay latkaeng 180 – 200 dou khou hy o.** 8
- (a) **Nchumhmei rui rih ngam pwni**
[**Outlines : Kahouhmei – Nchumhmei ta kahaw makmei zuk – rih adowpuithiak – luailoumei**]
- Hamhethei***
- (b) **Covid-19 Ravpyan**
[**Outlines : Kahouhmei/tabui cho – meicpingmei ravpuat – mansei panty khou katuakcmei tiime – naengvmei lev ngaek patmei – luailoumei**]
14. **Nang class XII luaina pheybaan zuanhmei dukaan akhat dugh khang ning the. Nang rui kahawmei khatnic puiuhnac rui kahaw nime pwanrai tha guanglou khang Bengaluru khou naime M/S Chhetry & Sons Fashion House khou pwanrai order**

swmei taddyn lwan akhat hy o. Nang zanc Pwanrainang twna hylou o.

Hamhethei

8

Tazei Public Hr. Secondary School, Luangmai khou Computer operator taanv bamv kaw bam e. Mi taanv khang tei nang tuang bio-data kazauhmei taanvdui taddyn akhat hy o.

KALANGV - D

(LATRIAK / GRAMMAR)

15. (a) "Nkhucmei hei khiangh mak ge." 1
Mi latrian khou nwkwang khwan naimei latkaeng hy pat ro.
- (b) 'Ting zowmei ramzou hei katumc hak ge.' Mi latrian khou 'ramzou' hei tabui khwangwan cho? 1
16. (a) "Bauhmei na rui rihngam tuang hamh e." 1
Mi latrian khou tabui latkaeng tei Abstract Noun cho?
- (b) 'Nangniw adaeng khou bam ri o. 1
'Mi latrian khou 'nangniw' twmei hei tabui *part of speech* cho?
17. **Tiilou mei latrian structure hei zauc lana kabah naimei latrian hy pat ro :**
- (a) Subject + genitive + noun + e 1
- (b) Subject + noun + verb + e 1
18. **Latthanv hei pac lana tiilou bammei latdaw padeih pangc khou rui nchumh liangmei latdaw kapah pat ro :**
- (a) 'Nzianmei rui gayliang e' twmei latrian tuang positive degree latrian kapah o. 1
- (i) Nzianmei kumc gaymei maek ge
- (ii) Nzianmei rui gay e
- (iii) Nzianmei rui gay mbu e

- (iv) Nzianmei suangc gay mbumei maek ge
- (b) 'Nzianmei rui gayliang e' twmei latrian tuang positive degree latrian kapah o. 1
- (i) Nzianmei kumc gaymei maek ge
- (ii) Nzianmei rui gay e
- (iii) Nzianmei rui gay mbu e
- (iv) Nzianmei suangc gay mbumei maek ge
- (c) "Nchu rihriemei mpwan liu guang e."
- Mi latrian khou 'rihri' twmei hei 1
- (i) latmi e
- (ii) latpaa e
- (iii) latthiap e
- (iv) latriannac e
- (d) "Kachwngay tarut taraana tat guang e." 1
- Mi latrian khou 'tarut taraana' twmei hei
- (i) latmi e
- (ii) latpaa e
- (iii) latthiap e
- (iv) latriannac e
-